

Ilinniartitaanermut Aqutsisoqarfik – Misilitsinnermut Allaffik
Postboks 1610 – 3900 Nuuk
Tlf: +299 34 50 00 – e-mail: ILA@nanoq.gl

2021-imi alloriarfinni misilitsinnerit
ingerlannissaannut

ilitsersuutit

Imai

1. Siulequt.....	3
2. Taajumasat nalinginnaasut	4
3. Akisussaaffik	5
4. Alloriarfinni pisortat ilinniartitsisullu	6
5. Peqataaneq.....	6
6. Najuutinnginneq peqataannginnerlu.....	7
6.1. Napparsimaneq	7
6.2. Immikkut ittumik atuartitaaneq, naammattusaammik atuartitaaneq il.il.....	7
6.3. Inortuineq	8
6.4. Atuartut nunanit allaneersut	8
6.5. Atuartut atuarfimmi allamiikkallartut	8
6.6. Atuartut angerlarsimaffimmini atuartitaasut il.il.....	8
6.7. Pissutsit allat.....	9
7. Ikiuutit aaqqissuussinerillu.....	9
Ilanngussaq 1: Atuarfiup eqqaamasassai	10
Ilanngussaq 2: Atuarfiup pisortaata eqqaamasassai.....	13
Ilanngussaq 3: Ilinniartitsisumut ilitsersuut	15

1. Siulequt

Ilitsersuutit uku 2021-imi Alloriarfinni Misilitsinnerit atuarfinni ingerlannissaannut paassutissanik imaqarput.

Atuartut tamarmik alloriarfinni misilitsinnerni assigiissumik pineqarnissaat pingaartuuvoq. Taamaattumik misilitsinnerit atuarfinni tamani sapinngisamik assigiissumik ingerlanneqartariaqarnerat eqqarsaatigalugu ilitsersuutit ukua suliaapput. Naqitap uuma naanerani ilassutiniippat atuarfiit taakkualu pisortaasa eqqaamasassaasa allassimaffii kiisalu ilinniartitsisunut ilitsersuut.

Alloriarfinni misilitsinnerni anguniagaavoq:

- ✓ alloriarfiup naammassinerani ilikkagassatut anguniagassat ilaannik toqqakkanik atuartup qanoq angusaqarsimatigineranik uppersaasiinissaq.

Uppersaasiineq taanna ukununga atorneqassaaq:

- ✓ alloriarfiup naammassinerani atuarfiup atuartumut ataatsimoortumik nalilersuinerani tunngavigisat ilaattut, kiisalu
- ✓ atuartup atuarnermini ingerlariaqqinnissaanut pilersaarusernermi.

Alloriarfinni misilitsinnerit atuartitsissutini soraarummeerutaanngillat. Taamaammat alloriarfinni misilitsinnerni censoreqartoqarneq ajorpoq angusallu karakteriliiffigineqarneq ajorlutik. Atuartup misilitsinnermi angusai alloriarfimmuut tullermut ingerlaqqinnissaanut aamma piumasaqaataanngillat. Alloriarfinni misilitsinnerit tassaapput atuartup tunngaviusutigut ilisimasaanik, piginnaasaanik atuarnerminilu ineriartorneranik piffissami aalajangersumi naliliinerit uuttortaanerillu.

Ulluinnarni atuartitsinnermi ingerlaavartumik naliliisarneq, 3. klassimi atuartup nammineq suliaminik saqqummiussinera 7. klassimilu aalajangersimasumik sammisaqarluni suliaa taassuminngalu saqqummiussinera alloriarfinni misilitsinnerni naliliinertulli pingaartigippat. Taamaattumik alloriarfinni misilitsinnerni atuartut angusaat kisimiitillugit atorneqassanngillat. Atuartumut nalunaarummik iliuusissatullu pilersaarummik suliaqaraangavit 3. klassimi atuartup nammineq suliaminik saqqummiussaa 7. klassimilu aalajangersimasumik sammisaqarluni suliaa, minnerunngitsumillu ulluinnarni atuartitsinnernit paasisatit alloriarfinni misilitsinnermi angusanut ilaatillugit nalilersuisassaait. Alloriarfinni misilitsinnerni angusat, nalilersuutinit siuliani taaneqartunit paasisatit ulluinnarnilu atuartitsinnernit paasisatit siumut isigalutit atortakkit, atuartup atuarnermini ingerlariaqqinnissaa sapinngisamik pitsaasumik sinaakkusersussagakku tunngavissillugulu.

Atuartut angusaat sanilliunneqarsinnaassammata misiliutit ukiumiit ukiumut assigiit atugaasarput. Suliassat 10%-ii angullugit ukiumiit ukiumut taarserneqarlutilluunniit allanngortinneqarsinnaapput, misiliutip tamarmiusup sapernassusaa allanngortinngikkaluarlugu. 2021-imi 7. klassimi qallunaat tuluillu oqaasiini 2020-imi misiliutit allanngortinnagit atorneqarput. Atuartitsissutini allani misiliutit annikitsumik allannguuteqartillugit 2021-imi atoqqinneqarput. 3. klassimi matematikkimi suliassat

maannamut taamaallaat pingasunik akissutissartallit sisamanik akissutissartaligaapput, taamaalillutik misiliutini allanitulli sisamanik akissutissartaqalerlutik.

Naatsorsuut/Retteark ilitsersuutitai ilanngullugit atuarfiup pisortaanut marts qaammat mail aqutugalugu nassiunneqassaaq, atuarfiit ilinniartitsisullu atuartut misilitsinnermi suliaannik misissuinnermini atorsinnaasammassuk. 2020-imitulli Naatsorsuut 2021 annertusisaavoq, didaktikkimi misissuinnermi aamma atorneqarsinnaanngorlugu. Naatsorsuummut ilitsersuut ilanngullugu nassiunneqarumaarpoq.

Nunatsinni Naatsorsueqqissaartarfiup alloriarfinni misilitsinnerni angusat pisortatigoortut oktoberip aallartinnerani saqqummiuttarpai. Tassani nuna tamakkerlugu angusat, kiisalu illit atuarfimmi suliffigisanni kommuuninilu angusat pissarsiarisinnaavatit.

Nalornisaqaruut imaluunniit annertunerusumik paasisaqarusukkuut atuarfiup pisortaanut aamma / imalt. Ilinniartitaanermut Aqutsisoqarfiup Misilitsinnernut allaffianut saaffiginnis-sinnaavutit. Alloriarfinni misilitsinnernut tunngatillugu maalaaruteqartoqassappat pineqartut pillugit aamma taakkua saaffigisinnaavatit.

2. Taajumasat nalinginnaasut

2021-imi alloriarfinni misilitsinnerit piffissami 6. april - 9. apriliimi ingerlanneqassapput, 3. klassimi 2012-imi inunngortut 7. klassimilu 2008-imi inunngortut misilitsissallutik.

Pisortat atuarfiini 3. aamma 7. klassimi atuartut tamarmik alloriarfinni misilitsinnerni peqataassapput. Misilitsinnginnissamut piumasagaatit immikkoortuni 6.2-mi aamma 6.4-mi allassimapput.

Atuarfiit namminersortut namminneq kissaatigigunikku imalt. kommunip aamma/imalt. Qitiusumit atuarfeqarnek pillugu oqartussat kissaatigippassuk alloriarfinni misilitsinnerni peqataasinnaapput. Atuarfiit namminersortut alloriarfinni misilitsinnerni peqataassagunik aalajangersakkat najoqqutassallu pisortat atuarfiinut atuuttut malissavaat.

Naqitat atuartup suliassaanik taakkuallu inernerinik imallit atuarfiup allaffiani isumannaatsumik paarineqassapput, tassanilu paasissutissat pisariaqartut naqitat saqqaanniittut immersorneqarlutik. Alloriarfinni misiliutissat misilitsittoqalerpat atuartunut aatsaat agguanneqassapput.

Atuarfiup pisortaata akisussaaffigaa, alloriarfinni misiliutissat, taakkua inernerisa allassimaffii kiisalu Naatsorsuut/Retteark misilitsinneq sioqqullugu atuartunut tunniunneqaratillu taakkunanga atorneqannginnissaat. Taamatutaaq misilitsinneq sioqqullugu kopeerneqarsinnaanngillat agguateriarlugillu sungiusaatigineqar-sinnaanatik.

Naqitat "Alloriarfiit naammassinerini ataatsimoortumik nalilersuineq", "2021-imi alloriarfinni misilitsinnerit ingerlannissaannut ilitsersuutit" kiisalu 3. aamma 7. klassimi Sungiusaatit tiguneqarnerini agguanneqarsinnaapput atuartunut, ilinniartitsisunut angajoqqaanullu ilisimatitsissutitut ingerlatsinermilu atorneqarsinnaallutik.

Atuartut assigiinngitsunik piginnaanillit eqqarsaatigalugit alloriarfinni misiliutini suliassat ilaat oqitsuupput ilaallu artornartuullutik. *Naatsorsuutigineqanngilaq atuartut tamarmik suliassiisutaasut tamaasa suliarissagaat. Atuartut kaammattorneqassapput misilitsinnermi sapinngisaminnik suliniaqqullugit, aamma suliassat sapinngisartik naapertorlugu naammassiniaqqullugit. Akissutit kukkusut suliassalluunniit suliarineqanngitsut paasissutissaapput atuarfimmu, ilinniartitsisumut minnerunngitsumillu atuartumut namminermut pingaaruteqartut, tassami alloriarfiup naammassinerani atuartumut nalunaarutip kiisalu atuarnermini ingerlariaqqinnissaata angusassaliorluni pilersaarusioreqarnerani aamma taakkua nalilersukkanut ilaatinneqartussaammata.*

Naqitat suliart inernerinik imallit kiisalu Naatsorsuutit/Retteark ilikkagassatut anguniagassanik, atuartitsissutini ataasiakkaani misilitsiffiusunik, ilaqartinneqarput.

Napparsimasoqartillugu allatulluunniit misilitsinnerni peqataasoqanngippat atuarfiit kaammattorneqarput soorlu sap. ak. 22-imi, imalt. 23-imi, immikkut ittumik alloriarfinni misilitsitsinernik ingerlatseqqullugit, atuartut siullermeernermi peqataanngitsut misilitsinnissamut imalt. 3. klassimi namminneq suliaminnik 7. klassimilu aalajangersimasumik sammisaqarlutik suliaminnik saqqummiussinissaminut periarfissaqassammata.

3. klassimi 7. klassimilu alloriarfinni misilitsinnernut ukiumut pilersaarut paasissutissallu allat nutartikkat nittartakkami uaniipput: www.iserasuaat.gl

Nittartakkamit tassannga aasinnaavatit naqitaq paasissutissiisut “Alloriarfiit naammassinerini ataatsimoortumik nalilersuineq”, “2021-imi Alloriarfinni misilitsinnerit ingerlannissaannut ilitsersuutit” ilinniartitsisumut ilitsersuutitalik, “Atuartunik nalunaarsuiffiit” kiisalu 3. klassimi 7. klassimilu “Sungiusaatit”.

Atuarfiup eqqaamasassaasa allassimaffiat ilitsersuutit ukua naaneranniippoq.

Atuarfiup pisortaata eqqaamasassaasa allassimaffiat ilitsersuutit ukua naaneranniippoq.

Ilinniartitsisumut ilitsersuut ilitsersuutit ukua aamma naaneranniippoq.

3. Akisussaaffik

Atuarfiup pisortaata alloriarfinni misilitsinnerit atuarfik pillugu Inatsisartut inatsisaat atuuttoq aamma naliliisarneq uppersaasiisarnerlu pillugit nalunaarut nr. 2, 9. januar 2009-meersoq ilitsersuutillu ukua naapertorlugit ingerlanneqarnissaat akisussaaffigaa. Ilitsersuutit uku alloriarfinni misilitsinnerit qanoq ingerlanneqarnissaat pillugu paasissutissanik ilitsersuutinillu sukumiinerusunik imaqarput.

Atuarfiup pisortaata alloriarfiit pisortaat, ilinniartitsisut, atuartut angajoqqaallu alloriarfinni misilitsinnerit, taakkua siunertaat qanorlu atuarfimmu ingerlanneqarnissaat pillugit piffissaalluartillugu paasissutissavai. Atuarfiup alloriarfinni misilitsinnissat pillugit pilersaarutaa ilisimatitsissutigineqassaaq. Naqitat “Alloriarfiit naammassinerini ataatsimoortumik nalilersuineq” aamma “2021-imi Alloriarfinni misilitsinnerit

ingerlannissaannut ilitsersuutit” ilinniartitsisumut ilitsersuutitallit saqqummiunneqassapput. 3. aamma 7. klassimi “Sungiusaatit” taakkununga ilanngullugit aamma tunniunneqarsinnaapput.

Atuarfiup pisortaata misilitsinnerup kingunitsiannua atuartut ataasiakkaat, taamatullu ilinniartitsisut allat angajoqqaallu, misilitsinnermi angusaannik ilisimatinnissaat isumagissavaa. Ilinniartitsisut 4. klassinngortussanik 8. klassinngortussanillu tiguisussat atuartut 3. klassimi 7. klassimilu alloriarfinni misilitsikkamik angusaannik ilisimatinneqarnissaat aamma isumagissavaa.

Atuartitsissutini ataasiakkaani ilinniartitsisut atuartut peqatigalugit misilitsikkamik angusaannik misissuereerpata atuartitsinissaminnullu pilersarusioreerpata atuarfiup pisortaata atuartut suliaat, inernerit allattorsimaffii misilitsinnermilu atugassiat atorneqanngitsut Ilinniartitaanermut Aqutsisoqarfimmut **tammatsaaliukkatut nassiunneqarnissaat** isumagissavaa, kingusinnerpaamik 1. maajimi.

4. Alloriarfinni pisortat ilinniartitsisullu

Alloriarfinni pisortat atuartitsissutinilu ilinniartitsisut alloriarfinni misilitsinnissat pillugit atuarfiup pisortaata ilisimatitsissutai atuartunut angajoqqaanullu piffissaalluartillugu ilisimatitsissutigissavaat, taakkua misilitsinnissaq pillugu naammaginantumik pitsaasumillu paasissutissinneqassammata.

Atuartitsissummi misilitsiffiusumi ilinniartitsisup misilitsinneq naammassiinnartoq atuartut suliaat inernernik allattuiffiit (facitlistet) Naatsorsuullu nassiunneqartut atorlugit misissussavai. Naatsorsuutip atuartup misilitsiffigisami inerniliillaqqissusaa akissutaasalu ilikkagassatut anguniagassanut siammarsimaneri automatiskimik naatsorsortarpai. Ilinniartitsisoq Naatsorsuut atorlugu didaktikkimi misissugassanik aamma suliaqarsinnaavoq.

Ilinniartitsisup atuartut suliaannik misissuereeruni atuartuutini, ilinniartitsisoqatini angajoqqaallu misilitsinnermi naammassisaannik angusaannillu ilisimatissavai. Paasissutissat taakkua ilinniartitsisup alloriarfiup naammassinerani atuartumik ataatsimoortumik naliliinermini, nalunaarusiornermini kiisalu atuartup atuarnermini ingerlariaqqinnissaata pilersarusiornerani atorsinnaavai; paasissutissanik ulluinnarni atuartitsinermit, ingerlaavartumik naliliinermit, atuartup 3. klassimi suliaminik 7. klassimilu aalajangersimasumik sammisaqarluni suliaminik saqqummiussineranit pisunik ilallugit. Ataatsimoortumik pilersarusiortoqareerpat iliuusissatut pilersaarut suliarineqassaaq.

5. Peqataaneq

Soorlu immikkoortoq 2-mi taaneqartoq, atuartut 3. aamma 7. klassimi nalinginnaasumik atuartinneqartut *tamarmik* alloriarfinni misilitsittussaapput.

Atuartut tamarmik alloriarfimmi misilitsinnermi peqataanissaat qulakkeerumallugu atuarfiup 3. aamma 7. klassimi atuartut tamaasa Tabulex TEA-mi ukiup atuarfiusup aallartinnerani nalunaarsoriissavai. Tabulex TEA ukiup atuarfiusup ingerlanerani atuartut atuarunnaartut atualersullu nalunaarsornerini nutarterneqartassaaq. 2021-imi alloriarfinni misilitsinnernut

tunngatillugu atuartut nalunaarsugaanerit nutartigaq kingusinnerpaamik 1. marts naammassereerneqartussaavoq. Atuarfiup Tabulex TEA piginnigippagu atuarfiup pisortaata kommunimi atuarfimmu ingerlatsivik atuartunik Tabulex TEA-mi nalunaarsuinissamut qinnuigissavaa.

Atuarnik Tabulex TEA-mi nalunaarsuineq pissaaq, atuartut ataasiakkaat alloriarfimmi misilitsinnermi peqataanginnissaannik naliliineq *sioqqullugu*. Atuarfiup napparsimanini allamilluunniit peqquteqarluni peqataangippat, tamanna atuarfiup atuarnik nalunaarsuiffimmi allassavaa, allattuiffillu taanna atuartut suliaat Ilinniartitaanermut Aqutsisoqarfimmu nassiunneqalerpata ilanngunneqassaaq peqataanginnermut najuutinninnermulluunniit peqqutaasoq paasisutissiissutigalugu. Taamatut iliorneq annertuumik isumaqarpoq, alloriarfinni misilitsinnermi peqataangitsut procentinngortinnerisa kisinnerat tutsuiginartoq pingaaruteqartuummat.

3. aamma 7. klassimi atuarnik nalunaarsuiffik misilitsissutissanut ilanngullugu aamma nassiunneqarpoq. Atuarfik nalunaarsuiffik nittartakkamit uannga aamma aaneqarsinnaavoq: www.iserasuaat.gl

Peqataanginnissamut piunasaqaatit immikkoortuni 6.2-mi aamma 6.4-mi atuarneqarsinnaapput.

6. Najuutinninneq peqataanginnerlu

Peqataangitsoornermut misilitsinninnissamullu akuerineqarnissamut piunasaqaatit, immikkoortuni tullerni eqqartorneqartut, atuarfiit tamarmik malissavaat.

6.1. Napparsimaneq

Atuarfiup napparsimanini peqqutigalugu alloriarfimmi misilitsinnikkuni, sapinngisaq naapertorlugu periarfissaq siulleq ukiorlu atuarfiusoq naatinnagu misilitsissaaq.

Atuarfiup ullormi immikkut misilitsiffissatut toqqakkami misilitsinnissaa atuarfiup isumagissavaa. Ilinniartitsisup atuarfiup suliai misissoreerpagit Ilinniartitaanermut Aqutsisoqarfimmu tammatsaaliukkatut nassiunneqassapput.

6.2. Immikkut ittumik atuarnitaaneq, naammattusaammik atuarnitaaneq il.il.

Atuarfiup pisortaata atuarnit ilinniartitsisuinit siunnersorneqarluni siumullu atuarnit angajoqqaavi oqaloqatigereerlugit atuarnit atuarnitissummi atuarnitissutiniluunniit qanitariissuni ataatsimi arlalinniluunniit immikkut ittumik atuarnitaasup imaluunniit naammattusaammik atuarnitaasup alloriarfimmi misilitsinnermi peqataanginnissaa aalajangersinnaavaa.

Atuarfiup atuarnit alloriarfimmi misilitsinninnissaa aalajangerpagu, atuarfiup pisortaata atuarnit atuarnitissummi atuarnitissutiniluunniit qanitariissuni pineqartuni nammineerluni suliaminik saqqummiussinissaa piunasaqaatigissinnaavaa.

Atuartup alloriarfimmi misilitsinnginnissaa nalilersorluarneqassaaq, nalilersuinerlu allaganngorlugu pigineqassaaq tunngavilersugaalluni, atuartullu mappe-anut ilineqassalluni.

6.3. Inortuineq

Atuartoq alloriarfimmi misilitsinnermut inortuippat inortuinerlu ima sivikitsigippat misilitsinnissaaq pillugu ilitersuutit pisariaqartut atuaqatini peqatigalugit pissarsiarisinnaalugit, atuarfiup pisortaata atuartup misilitseqataanissaa akuerisinnaavaa.

Atuartoq sivilisnerusumik inortuippat sapinngisaaq naapertorlugu periarfissaaq siulleg ukiorlu atuarfiusoq naatinagu misilitsissaaq.

Atuarfiup atuartup sap. ak. 22-mi imalt. 23-imi immikkut ittumik alloriarfinni misilitsisoqarnerani ilaanissaa atuartullu akissutaasa atuartitsissummi ilinniartitsisumit misissorneqarnissaaq isumagissavaa. Atuartup suliai misissorneqareerpata Ilinniartitaanermut Aqutsisoqarfimmut tammatsaaliukkatut nassiunneqassapput.

6.4. Atuartut nunanit allaneersut

Atuarfiup pisortaa atuartup ilinniartitsisuinit siunnersorneqarluni siumullu atuartup angajjoqaavi oqaloqatigereerlugit nukarlerni akullerniluunniit atuartup nunanit allanit, Danmarkimit Savalimmiuniilluunniit Kalaallit Nunaannut nuussimasup, alloriarfimmi misilitsinnginnissaaq aalajangiisinaavoq, atuartoq misilitsinnissaaq sioqqullugu minnerpaamik ukiuni atuarfiusuni marlunni alloriarfimmi tassani atuarsimangippat.

Atuarfiup atuartup misilitsinnginnissaa aalajangerpagu atuarfiup pisortaata atuartup atuartitsissummi atuartitsissutiniluunniit qanitariissuni pineqartuni nammineerluni suliaminik saqqummiussinissaa piunasaqaatigisinaavaa. Atuartup nammineq suliaminik saqqummiussinera piffissami immikkut misilitsiffiusumi, sap. ak. 22-mi imalt. 23-mi, atuartut nalinginnaasumik misilitsinngitsut misilitsiffigisinaasaanni, ingerlanneqarsinaavoq.

Atuartup alloriarfimmi misilitsinnginnissaa nalilersorluarneqassaaq, nalilersuinerlu allaganngorlugu pigineqassaaq tunngavilersugaalluni, atuartullu mappe-anut ilineqassalluni.

6.5. Atuartut atuarfimmi allamiikkallartut

Alloriarfinni misilitsinnerit ingerlanneqarnerini atuartoq atuarfimmi allami atuarallaruni, atuarfimmi tassani misilitsissaaq. Atuarfiup atuarfigingallagaata atuartup misilitsinnermi akissutai Ilinniartitaanermut Aqutsisoqarfimmut nassiatissavai, atuarfimmit suminggaaneerluna ilisimatitsissutigalugu.

Ilinniartitaanermut Aqutsisoqarfimmut atuartoq atuarfivianut nalunaarsussavaa.

6.6. Atuartut angerlarsimaffimmini atuartitaasut il.il.

Atuarfinnik ingerlatsiviit atuarfiullu angerlarsimaffimmini atuartuuteqartut, soorlu savaateqarfimmi atuartut, atuartut taakkua piunasaqaatit malillugit misilitsinnissaaq isumagissavaat.

Alloriarfinni misilitsinnerni peqataangitsoortoqarsinnaavoq naliliisarneq pillugu nalunaarummi aalajangersakkat aammalu najoqqutassani ukunani immikkoortut 6.2 aamma 6.4 malillugit.

6.7. Pissutsit allat

- a) Atuortoq allamik peqquteqarluni, soorlu *sila ilaqutariinnermiluunniit pissutsit* patsisigalugit, alloriarfimmi misilitsissinnaanngikkuni, sapinngisaq naapertorlugu periarfissaq siulleq ukiorlu atuarfiusoq naatinnagu misilitsissaaq. Ilinniartitsisup atuartup suliai misissoreerpagit Ilinniartitaanermut Aqutsisoqarfimmut tammatsaaliukkatut nassiunneqassapput.
- b) Alloriarfinni misilitsinnernut *takkutinngitsoortoqarpat* atuarfiup misissussavaa, soq atuortoq atuartitsissummi ataatsimi arlalinniluunniit misilitsinnernut takkutinneginnersoq. Atuarfiup nalilerpagu, atuartup peqataanginnissamut piunasaqaatit naammassinngikkai, taava atuarfiup aalajangissavaa atuortoq ukiup atuartitsiviusup naannginnerani misilitsilluniluunniit nammineq suliaminik / aalajangersumik sammisaqarluni suliamik saqqummiussissasoq. Atuartup ilinniartitsisunit siunnersorneqarluni siumullu atuartup angajoqqaavi oqaloqatigereerlugit atuarfiup pisortaata tamanna aalajangersinnaavaa. Nalornisoornermi Ilinniartitaanermik Aqutsisoqarfik attavigineqassaaq.
- c) Atuortoq qularutissaanngilluinnartumik unioqqutitsilluni alloriarfimmi misilitsinnermi *ikiortissimappat*, atuartup misilitsinnermi suliaa atortussaatinneqassanngilaq. Atuartup sapinngisaq naapertorlugu periarfissaq siulleq ukiorlu atuarfiusoq naatinnagu misilitsinnissaa atuartullu akissutaasa atuartitsissummi ilinniartitsisuanit misissorneqarnissaat piaartumillu tammatsaaliukkatut Ilinniartitaanermut Aqutsisoqarfimmut nassiunneqarnissaat atuarfiup isumagissavaa.

7. Ikiuutit aaqqissuussinerillu

Alloriarfinni misilitsinnerni ikiuutit atoqqusaanngillat, soorlu atuakkat ilinniutit, ordbogit, atuakkat paasissutissanik ujarlerfissiat, kisitsissuteeraq, titartaat, qarasaasiaq, allattukkat il.il..

Atuortoq misilitsinnermi aqerluusamik piiaammillu atugaqassaaq. Matematikkimi atuortoq pappialamik akissuteqarniarluni naatsorsorallakkaminut allattuiffigisassaminik aamma peqassaaq.

Misilitsinnermi atuartut tamarmik immikkut nerriveqassapput. Tamanna ajornarpat atuarfiup alloriarfinni misilitsinnerit ingerlatissavai, atuartut misilitsinnermi nalaani imminnut ikiorinnaatinnagit.

Atuarfiup atuartut immikkut pisariaqartitsisut immikkut aaqqissuussiffigisinnaavai. Immikkut aaqqissuussinerup atuartup akissutaa sunniuteqarfigissanngilaa.

Ilanngussaq 1: Atuarfiup eqqaamasassai

Misilitsinnerit sioqqullugit piffissaalluartillugu

- atuarfiup kikkut attuumassutillit alloriarfinni misilitsinnernik, taakkua siunertaannik atuarfiullu misilitsinnissamut pilersaarutaanik passissutississavai.
- ilinniartitsisut atuartullu alloriarfinni misilitsinnissat piffissaalluartillugu piareersarfigissavaat. “Alloriarfiit naammassinerini ataatsimoortumik nalilersuineq”, “2021-imi alloriarfinni misilitsinnerit ingerlannissaannut ilitsersuutit” kiisalu 3. klassimi 7. klassimilu *Sungiusaatit* matumani atorneqarsinnaapput. Sungiusaatit www.iserasuaat.gl-imit aaneqarsinnaapput. Naatsorsuut/Retteark aamma ilinniartitsisunut tunniunneqarsinnaavoq, piareersarnerminnut ilaatillugu atorsinnaagamikku qanorli atornissaa ilisimassagamikku.
- Atuartup suliassaasa saqqaat imatut immersorneqassaaq:
 - Atuarfiup allassavai: Atuarfiup normua, atuartup aqqa, inuup normua klassialu.
 - Misilitsinnerup aallartilernerani atuartup angerlarsimaffimmini oqaatsinik sorlernik atuinini nalunaassavaa. *Matumani erseqqissarneqassaaq atuartup angerlarsimaffimmini oqaatsiminik toqqaanermiut sisamanik periarfissaqarmat, eqqornerusumik akissuteqarnissani periarfissaqarfialugu.* Ilinniartitsisup atuartoq angerlarsimaffimmini oqaatsiminik toqqaaniarnerani ikiussavaa. Misilitsinnissarli sioqqullugu atuartitsissummi ilinniartitsisup atuartup angerlarsimaffimmini oqaasii aamma nalunaarsoreersinnaavai.
- Alloriarfinni misilitsinnerit aallartilernerini atuarfiup pisortaata atuartut suliassaat ilinniartitsisumut misilitsinnermik ingerlatsisussamut tunniutissavai.
- Misilitsinneq aallartippat init misilitsiffiusut misilitsinnissamut torersagaareerlutillu piareersimassapput.
- Perusuersartarfiliarnerit misilitsinnerit sioqqullugit naammassereersimassapput.

Misilitsinnerit ingerlanerini

- Misilitsinnerit piffissaq pilersaarutaasoq malillugu aallartissapput.
- Ilinniartitsisup/-sut inip misilitsiffiusup eqqissisimanartuunissaa torersuunissaalu isumagissavaa/-vaat.
- Misilitsinneq tamakkerluni 55 minutsinik sivilissuseqarpoq. 10 minutsit siulliit ingerlanerini atuartut inissaminnukassapput, atuartut suliassaat, aqerluusat, piiaatit matematikkimilu pappiala allattuiffissaq agguanneqassapput atuartullu ilitsersuunneqarlutik.
- 10 minutsit siulliit ingerlareerpata misilitsinneq minutsini tulliuttuni 45-ni ingerlasussaq aallartinneqassaaq.

- Atuartut misilitsinnerup nalaani ilisimasassanik misilitsissutaasunik ilinniartitsisumit atuaqatiminilluunniit ikiorneqarsinnaanngillat.
- Atuartoq isumaqaruni akissutini kukkusoq, taava akissut kukkusoq titassavaa akissullu eqqortuutitani nalunaarlugu. Akissut eqqortoq sorliunersoq ersarissuussaaq.
- Misilitsinnerup naalernerani 5 minutsit sinnerunnerat atuartunut ilisimatitsissutaassaaq.
- 45 minutsit ingerlareerpata misilitsinneq tamarmi unitsinneqassaaq.
- Atuartut piffissaq sioqqullugu naammassisut inigisaminniiginnassapput. Suliatic uterfigisinnaavaat misissoqqillugillu imaluunniit sammisassaq suliassat qupperneranni kingullermiittoq suliarisinnaavaat. Sammisassaq taanna misilitsissutaanngilaq, atuartullu suliaanic naliliinermi ilanngunneqartussaani.

Matematikkimi suliassamik taamaattumik peqanngimmat ilinniartitsisoq atuartunut naammassiaartunut misilitsissutaanngitsumik suliassiissuteqarsinnaavoq.

- Napparsimanermik assigisaanilluunniit pisoqarpat atuartup ini misilitsiffik qimassinnaavaa. Taamatut pisoqarnerani suna patsisaanersoq atuartunut nalunaarsuiffimmi allanneqassaaq. Atuartoq kingusinnerusukkut ukiullu atuarfiusup naannginnerani misilitsiteqqinnissaa isumagineqassaaq.

Misilitsinnerit kingorna

- Atuarfiup inernerit allattorsimaffii aamma *Naatsorsuut* ilinniartitsisumut misilitsitsisumut tunniutissavai.
- Atuartut akissutaat tamaasa katersorneqassapput piaartumillu ilinniartitsisumit misilitsitsisumit inernerit allattorsimaffiat /facitliste atorlugu misissorneqassallutik. Ilinniartitsisup Naatsorsuut atuartut akissutaasa ikkussuunnerinut atuartullu ataasiakkaat angusaasa naatsorsorallarnerinut kiisalu didaktikkimi misissuineranut atorsinnaavaa.
- Atuartitsissummi ilinniartitsisup atuartut angajoqqaallu kiisalu klassimi ilinniartitsisut atuartup misilitsinnermini angusaanic ilisimatissavai, angusat ilinniakkatigut qanoq angusaqarfiunerinik nalilersuinerinik kiisalu atuartup atuarnermini qanoq ingerlariaqqinnissaa eqqarsaatigalugu qanoq iliuuseqartoqarnissanic siunnersuutininik ilaqartillugit.
- Ilinniartitsisup atuartullu misilitsinnerup nalaani misigisatik eqqarsaatitillu aamma oqaloqatigiissutigissagaat inassutiginarpoq.
- Atuartup misilitsinnermini naammassisai angusaalu alloriarfiup naammassinerani ataatsimoortumik nalilersuinerini, nalunaarusiornermi iliuusissatullu pilersaarummik suliaqarnermi atorneqassapput, tassunga ilaatillugit ulluinnarni atuartitsinerini, ingerlaavartumik naliliinermi, atuartup nammineq suliaminik saqqummiussinerani angusaanic / aalajangersimasumik sammisaqarluni sulinermini angusaanic ilaqartillugit.
- Atuarfiup ilinniartitsisut 4. klassinngortussanic tiguisussat atuartut ataasiakkaat 3. klassimi alloriarfinni misilitsikkamik angusaanic ilisimatinneqarnissaat

isumagissavaa. Tamanna aamma pissaaq 7. klassimeersut 8. klassimi atualertussanut.

- Alloriarfinni misilitsinnerni atuartut angusaat atuarfiup atuartitsinerup ineriartortinnissaanik suliniuteqarnermini atorsinnaavai.
- Ilinniartitsisut atuartut akissutaannik misissuereerpata uninngatinnagit atuartut akissutaat tamaasa, inernerit allattorsimaffii misilitsitsissutillu atorneqanngitsut ilanngullugit Ilinniartitaanermut Aqutsisoqarfimmut / Misilitsinnermut Allaffimmut **tammatsaaliukkatut** nassiunneqassapput.

Ilanngussaq 2: Atuarfiup pisortaata eqqaamasassai

Misilitsinneq sioqqullugu:

- ✓ Alloriarfinni misilitsinnerit piffissaalluartillugu ilisimatitsissutigikkit. *Alloriarfinni misilitsinnerit siunertaat atuarfiullu pilersaarutai* ilinniartitsisut, atuartut angajoqqaallu illit atuarfimmi pisortaaffigisanni qanoq ingerlanneqarnissaat ilisimalluarniassammassuk.

Naqitaq tungujortoq “*Alloriarfiit naammassinerini ataatsimoortumik nalilersuineq*” atuarfinnut nassiunneqartoq, “*2021-imi alloriarfinni misilitsinnerit ingerlannissaannut ilitsersuutit*” ilinniartitsisumut ilitsersuutitallit kiisalu 3. aamma 7. klassimi *Sungiusaatit* matumani atorsinnaavatit, nittartakkamit uannga aasinnaasatit: www.iserasuaat.gl. Aamma Naatsorsuut/Retteark ilitsersuutitai ilanngullugit ilinniartitsisunut tunniussinnaavatit, piareersarnerminni atorsinnaassammassuk qanorlu atornissaa sungiusarlugu.

- ✓ Alloriarfinni misilitsinnerni atortussat tamarmik tiguneqarsimanersut imarisaalu misissukkit. Taamatullu misilitsinnissat sioqqullugit, ingerlannerini naammassereernerinilu isumannaatsumik paarinissaat isumagikkit.
- ✓ Misilitsissutissat saqqaasa atuarfiup normuanik, atuartut aqqinik, inuup normuinik, klassiinik atuartullu angerlarsimaffimminni oqaasiinik eqqortumik immersorsimanissaat isumagiuk.
- ✓ Atuartut tamarmik Tabulex TEA-mi nalunaarsorsimanissaat allatulluunniit alloriarfinni misilitsinnernut peqataanissaannik nalunaarsorsimanissaat isumagiuk.
- ✓ Atuartut immikkut ittumik atuartitaasut naammattusaammilluunniit atuartitaasut il.il. najoqqutassat piumasaqaatillu malillugit peqataannginnissaat nalilersoruk isumagalugulu, ukunani ilitsersuutini immikkoortut 6.2 aamma 6.4 takukkit.
- ✓ Ini piffissarlu alloriarfinni misilitsinnernut atorneqartussat isumagikkit.
- ✓ Atuartut alloriarfinni nalinginnaasumik misilitsinnerni peqataanngitsut ulloq immikkut misilitsiffigisinnaasaat nalilersorlugulu pilersaaruseruk, soorlu sap. ak. 22-mi 23-miluunniit.
- ✓ Atuartunik ataasiakkaanik immikkut pisariaqartitsisoqarnersoq misissoruk taakkualu pitsaasumik qanoq misilitsinneqarsinnaaneri nalilersorlugulu.
- ✓ Alloriarfinni misilitsinnerit pillugit paasissutissat kingulliit nittartakkami www.iserasuaat.gl -mi pissarsiarisinnaavatit.

Misilitsinnerup nalaani:

- ✓ Ilinniartitsisut misilitsitsisut siunnersorlugillu ikiukkit.

Misilitsinnerup kingorna:

- ✓ Alloriarfinni misilitsinnerit naammassiinnartullu atuartut misilitsinnerminni suliaasa ilinniartitsisunit misilitsitsisunit misissorneqarnissaat aammalu atuartut, ilinniartitsisuisa sinnerisa angajoqqaavisalu atuartut misilitsinnerminni angusaannik ilisimatinneqarnissaat isumagiuk.
- ✓ Atuartut misilitsinnernut takkutinngitsoortut ukiup atuarfiusup naannginnerani misilitsinnissaat namminnerluunniit suliaminnik / aalajangersumik sammisaqalutik suliaminnik saqqummiussinissaat isumagiuk, tak. najoqutassani ukunani immikkoortoq 6.
- ✓ Atuartut peqataanngitsoornissaminnut akuerisaasut malinnaaviginissaat sumillu patsiseqarlutik peqataannginnerinut paasissutissamik ilaqartillugit nalunaarsornissaat isumagiuk.
- ✓ Atuartitsissummi ilinniartitsisup atuartut suliaat misissoreerpagit uninngatinngit kingusinnerpaamillu 1. maajimi Ilinniartitaanermut Aqutsisoqarfimmut **tammatsaaliukkatut** nassiunneqassapput.
- ✓ Atuartut alloriarfinni misilitsinnerni angusaat, ingerlaavartumik naliliinerit, 3. klassimi atuartup nammineq suliaminik saqqummiussineranit aammalu 7. klassimi aalajangersumik sammisaqarluni suliaqarneranit paasissutissanik ilallugit, atuarfiup ineriartortitsinerani atorsinnaavatit.
- ✓ Ilinniartitsisut 4. klassinngortussanik tiguisussat atuartut ataasiakkaat 3. klassimi alloriarfinni misilitsikkamik angusaannik ilisimatinneqarnissaat isumagiuk. Taamatut aamma 7. klassimit 8. klassimut ikaarsaariartut ilisimatitsissutigineqarnissaat isumagissavat.
- ✓ Alloriarfinni misilitsinnernut maalaarutaasinnaasut suliarikkit, pisariaqarpat Ilinniartitaanermut Aqutsisoqarfik peqatigalugu.

Ilanngussaq 3: Ilinniartitsisumut ilitsersuut

Atuarfiup pisortaa alloriarfimmilu pisortaq peqatigalugit misilitsinnissat pillugit paasissutissat pissarsiaaraatit, atuarfiup misilitsinnissamut pilersaarutai misilitsinnermilu siunertat qanorlu ingerlanneqarnissaat paasereersimallugit. Atuarfiup pisortaalu isumaqatigiissaasi misilitsinnissaq sioqqullugu misilitsissutissat saqqaanni atuarfiup normuanik, atuartup aqqanik, inuup normuanik klassianillu immersugassat eqqortumik immersorneqarnissaat kiap isumagissanerai. Atuartut peqatigalugit angerlarsimaffimminni oqaasii aamma immersussavatit.

Misilitsinnissaq sioqqullugu piffissaalluartillugu atuartut misilitsinnissat siunertaannik qanorlu ingerlanneqarnissaannik sukumiisumik eqqortumillu ilisimatikkik. Atuartunut ilitsersuut matuma kingulianiittoq ilisimatitsissutigissavat, atuartut qanoq ingerlatsinissaq paasilluarniassammassuk. Taamatullu 3. aamma 7. klassimi Sungiusaatit eqqartussavasi, atuartut apeqqutini ataasiakkaani qanoq akissuteqartarnissartik ilisimalluarniasammassuk.

Misilitsinnermi 10 minutsit siulliit ingerlanerini misilitsissutissat saqqaanni ilitsersuutit qupperneq 3-miittut ilisimatitsissutigeqqissavatit. Atuartut misilitsissutissat qupperneranni 3-mi malinnaassapput ilitsersuinerillu malinnaavigalugu. Ilitsersuutit A-mit E-mut atuartunut ilitsersuutigeqqikkik. Taamatut pereeruit minutsini tulliuttuni 45-ni misilitsinneq ingerlatissavat.

Ilitsersuutit ukua 3. aamma 7. klassimi atuartitsissutini tamani atorneqarsinnaapput. Atuartut amerlassusiinut oqaasertai tulluarsarneqarsinnaapput.

Atuartsissummi misilitsinnerup aallartilernerani	
Ilinniartitsisup oqaasissai:	Nassuiaatit:
1. "Inissassinut ingeriarlusi."	Atuartut inissaminnut ingippata misilitsissutissat, aqerluusaq aamma piiaat agguanneqassapput. Matematikkimi pappiala allattuiffissaq aamma tunniunneqassaaq. Atuakkat, atortut ikiuutillu allat misilitsinnermut attuumassuteqanngitsut saqqumissanngillat.
2. "Aatsaat ilitsersuereeruma aallarteqqullusilu oqaruma suliasasi aallartissavasi." "Ilitsersuutit paasinngikkussingit aperissavassinga."	
3. "Tusarnaarluaritsi."	
4. "Maanna (kalaallit oqaasiini / qallunaat oqaasiini / tuluit oqaasiini / matematikkimi) misilitsissaasi."	Ilinniartitsisup oqaatigissavaa atuartsissummi sorlermi atuartut misilitsilernersut.

<p>5. "Tamassi piareerpisi?"</p>	<p>Atuartut tamarmik piareerpata ilinniartitsisoq ilitsersuinnerminik aallartissaaq.</p>
<p>6. "Tamassi misilitsissutissat saqqaanniippisi?"</p> <p>"Atuarfiup normua, atisi, inuup normusi klassersilu allareersimapput."</p> <p>"Siullermik misilitsissutissat saqqaanni oqaatsit sorliit angerlarsimaffissinni atornerlugit krydsilissavarsi."</p> <p>"Angerlarsimaffissinni kalaallisut oqaluttarussi "Kalaallisut" krydsilissavarsi. Qallunaatut oqaluttarussi "Qallunaatut" krydsilissavarsi. Marluutillugit tamaasa oqaaserigussigit "Kalaallisut qallunaatullu" krydsilissavarsi. Allamiut oqaasii atortarusigut "Allat" krydsilissavarsi."</p>	<p>Uani atuartut angerlarsimaffiminni oqaatsit atukkatik krydsilissavaat. Atuartut toqqagassat sisamat arlaat tulluortoq toqqassavaat. Marluinnik oqaasillit namminneq oqaatsiminnik krydsiliiffissaqarput.</p> <p>Atuartut ilaasa qallunaat oqaasiini misilitsikkamik qallunaat oqaasii krydsilertarpaat allallu qallunaatut oqaatsit oqaaserlugit nalunaaqutsertarpaat, naak angerlarsimaffiminni kalaallisut oqalukkaluarlutik. Taamaalioqqusaanngillat.</p> <p>Atuartut ilitsersuutikkat angerlarsimaffiminni oqaatsit atornerpaasatik nalunaaqutsissagaat.</p>
<p>7. "Tamassi krydsileereerpisi?"</p>	<p>Atuartut tamarmik krydsileereerpata ilinniartitsisoq ilitsersuinnerminik ingerlaqqissaaq.</p>
<p>8. "Maanna qupperneq 3 qupperiarsiuk."</p> <p>"Ilitsersuutit qupperneq 3-miittut tamaasa atuassavakka. Tusarnaarluaritsi."</p>	<p>Atuartut tamarmik malinnaalluarnersut maluginiaruk.</p>
<p>9. "Maanna ilitsersuutit A-mi allaqqasut atuassavakka."</p> <p>"A-mut pivisi?"</p> <p><i>Ilinniartitsisup paasinartumik tulleriiaarlugit atuassavai:</i></p> <p>"Eqqissillutit issiagit."</p> <p>"Nipaarsaarit"</p> <p>"Misilitsinnermi suliasat nammineq suliarissavatit, atuaqatitit oqaluunnagit ikiornagillu"</p> <p>- <i>matematikkimi</i> oqaasissat allaanerularput. Taakkua malikkat.</p>	<p>Atuartut tamarmik malinnaanersut paasinninersullu qulakkeersimaniaruk.</p> <p><i>Matematikkimi:</i></p> <p>Atuartut kalaallisut oqaasillit misiliut kalaallisut oqaasertalik atussavaat, qallunaatut oqaasillit qallunaatut oqaasertalik atussallugu.</p> <p>Atuartut matematikkimi suliasatik aallartereerlugit taaguutit/apeqqutit nalornigunikkat soorunami oqaatsit suliasat arlaanniittut aamma takusinnaavaat. Taamaattoq kalaallisooq imaluunniit qallunaatooq kisiat akissuteqarfiggissavaat.</p>
<p>10. "Maanna ilitsersuutit B-mi allaqqasut atuassavakka."</p> <p>"B-mut periaritsi."</p> <p><i>Ilinniartitsisup paasinartumik tulleriiaarlugit atuassavai:</i></p> <p>"Aqerluusaq piii allu atussavatit."</p> <p><i>Matematikkimi:</i> "Aqerluusaq, piii at pappialalu allattuiffissaq atussavatit."</p>	<p>Atuartut tamarmik malinnaanersut paasinninersullu qulakkeersimaniaruk.</p> <p><i>Matematikkimi</i> pappiala naatsorsorallakkanut atugassiaq atorsinnaavaat, taamaalereerunillu inerneq pissarsiartik misiliutini allallugu.</p>

<p>11. ”Maanna ilitsersuutit C-mi allaqqasut atuassavakka.”</p> <p>”Ilissi suli malinnaassaasi.” ”C-mut pereerpisi?”</p> <p><i>Ilinniartitsisup paasinartumik tulleriiaarlugit atuassavai:</i></p> <p>“Apeqqutit atuarluaqqaartakkit.” “Eqqarsarluaqqaarlutit akigit.” “Apeqqut akisinnaanngikkukku tullianut ingerlaqqigit.” “Akinngisatit uterfigisinnaavatit.”</p>	<p>Atuartut tamarmik malinnaanersut paasinninersullu qulakkeersimaniaruk.</p> <p>Atuartup suliassat naagunigit sulilu piffissaqarpat suliassat uterfigisinnaavai akissutinilu misissoqqillugit imaluunniit qaangiinnakkani akisinnaallugit.</p>
<p>12. “Maanna ilitsersuutit D-mi allaqqasut atuassavakka.”</p> <p>“Suli ilissi malinnaassaasi.”</p> <p>“D-mut pereerpisi?”</p> <p><i>Ilinniartitsisup paasinartumik tulleriiaarlugit atuassavai:</i></p> <p>“Misilitsinneq 45 minutsinik sivissuseqarpoq.” “Naammassiguit issiaannarit.”</p>	<p>Atuartut tamarmik malinnaanersut paasinninersullu qulakkeersimaniaruk.</p> <p>Oqaatsinik atuartitsiviusuni atuartut suliassaanni quppernermi kingullermi misilitsissutaanngitsumik suliassaqarpoq piffissap sinnerani sammineqarsinnaasumik. Matematikkimi atuartut suliassaanni quppernermi kingullermi suliassamik taamaattumik peqanngilaq. Matematikkimi ilinniartitsisup atuartut naammassiaartut suliassissinnaavai, suliassiisulli misilitsissutaas-sanngilaq.</p>
<p>13. “Maanna E-mi ilitsersuut takusiuk.”</p> <p>“E-mut pereerpisi?”</p> <p><i>Ilinniartitsisup atuassavaa:</i></p> <p>”Imatut krydsiliissaatit.”</p> <p>- <i>matematikkimi:</i> “Akigaangavit imatut krydsiliissaatit” – aamma “Akissutit ilaat nammeneq allasavatiit”</p>	<p>Ilinniartitsisup nassuiassavaa, atuartut akisigaangamik qanoq krydsiliissanersut.</p> <p>Atuartoq kukkulluni krydsiliiguni krydsilikkani aqerluusamik titassavaa, taamaalioreerunilu eqqortuutitani krydsilerlugu.</p> <p>Akissut eqqortoq ersarissumik nalunaaqutsersimassaaq.</p>
<p>14. ”Maanna ilitsersuutit tamaasa atuareerpakka.”</p> <p>”Tamaasa paasivisigit? Paasinngisaqarussi aperissasi.”</p> <p>”Misilitsillusi aallarterpusi.”</p> <p>”Piffissaq suli naanngitsoq suliassat naammassissagussigit issiaannassaasi.”</p> <p>”Suliarisimasasi misissoqqissinnaavasi kukkusorisilu iluarsillugit imaluunniit siullermeerassi suliarinngisani suliarisinnaavasi.”</p> <p>”Tamaasa naammassisimagussigit suliassaq qupperneq kingullermiittoq suliarisinnaavarsi.”</p>	<p>Atuartut tamarmik malinnaanersut paasinninersullu qulakkeersimaniaruk.</p> <p>Matematikkimi suliassamik taamaattumik peqanngimmat atuartut misilitsissutaanngitsumik suliassissinnaavatit.</p>

<p>”Uninnissassinut minutsit tallimaannangorpata oqarumaarpunga.”</p> <p>”Piareerpsi?”</p>	
<p>15. ”Qupperneq 4 tamassi quppersiuk.”</p> <p><i>Piareerpata ilinniartitsisoq oqassaaq:</i></p> <p>”Aallartiinnarsinnaavusi.”</p>	<p>Atuartut tamarmik qupperneq 4 quppissavaat. Taamaalinerani minutsit siullit ingerlasimassapput.</p> <p>Ilinniartitsisup nalunaaqutaq aallartiffik allassavaa.</p> <p>Piffissamit tassanngaaniit misilitsinneq 45 minutsinik sivilissuseqassaaq.</p>
<p>Naammassinnermi:</p>	
<p>16. ”Uninnissassinut minutsit tallimaannangorput.”</p>	<p>Minutsit 40-it ingerlareerpata ilinniartitsisup naammassinissaannut minutsit tallimaannangornerat ilisimatitsissutigissavaa.</p>
<p>17. ”Piffissaq tassa naavoq.”</p> <p>”Misilitsissutisi tamaasa tigussavakka.”</p> <p>”Qujanaq.”</p>	<p>Minutsit 45-t ingerlareerpata ilinniartitsisup misilitsinneq tamaat unitsissavaa atuartullu misilitsissutaat katersorlugit.</p>

Eqqaamajuk:

Misilitsinneq naammassippat atuartut suliaat, naqitaq atuartitsissutini inernernik allattuiffik / facitliste atorlugu misissorneqartussaapput. Taamaalioruit misilitsinnermi atuartut ilikkagassatut anguniagassat sorliit naammaginatsumik sorliillu naammaginanginnerusumik suliarisimagaat paasisaqarfigilluassavat.

Naatsorsuut elektroniskiusoq atuarfiup pisortaanit pisinnaavat, atuartut suliaannik misissuininni atorsinnaasat. Naatsorsuut alloriarfiup naammassinerani atuartunut nalunaarusiuleruit atuarnerminnilu ingerlariaqqinnissaannik pilersaarusiuleruit iluaqutigilluarsinnaavat. Naatsorsuut didaktikkimik suliaqarninni aamma atorluarsinnaavat.

Naatsorsuut ilitsersuutitaa ilanngullugu mail aqqutigalugu atuarfiup pisortaanut Ilinniartitaanermut Aqutsisoqarfimmit martsimi nassiunneqartarpoq.

Naatsorsuut atuartut ataasiakkaat pillugit paasissutissanik imaqarmat susassaqqanngitsunut siaruar-terneqassanngilaq. Naatsorsuut atoreerukku atuarfiup allaffiani isumannaatsumik paarineqassaaq, kingusinnerusukkulli atoqqissinnaavat.